



Sempurnakan Zakatmu

(20 November 2020M/ 4 Rabi'ulakhir 1442H)

الْحَمْدُ لِلَّهِ الَّذِي أَمَرَنَا بِالْإِعْتَصَامِ بِحَبْلِ الْمَتِينِ، أَشْهَدُ أَنْ لَا إِلَهَ إِلَّا اللَّهُ
وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ لَا نَبِيَّ بَعْدَهُ صَادِقُ
الْوَعْدِ الْأَمِينِ.
اللَّهُمَّ صَلِّ عَلَى مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ؛
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ، فَقَدْ فَازَ
الْمُتَّقُونَ.
فَقَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

Ma'asyiral Muslimin,

Pada penghulu segala hari yang mulia ini, khatib menyeru diri sendiri dan sidang Jumaat sekalian. Marilah sama-sama kita memperkasakan ketakwaan kita kepada Allah SWT dengan mengerjakan segala suruhan-Nya dan meninggalkan larangan-Nya. Mudah-mudahan kita mendapat keberkatan dan keredhaan-Nya di dunia mahupun di akhirat. Mimbar

pada hari ini akan membicarakan khutbah yang bertajuk “**Sempurnakan Zakatmu**”.

Hadirin sekalian,

Islam adalah agama Allah yang mementingkan keharmonian dan kebajikan antara satu sama lain. Sifat tolong menolong diterjemahkan dalam pelaksanaan ibadah zakat yang telah difardhukan oleh Allah SWT kepada mereka yang mampu mengeluarkannya dan layak menerimanya. Dengan berzakat, dapat menjalinkan hubungan persaudaraan dan kasih sayang antara pengeluar zakat dan asnaf.

Saudaraku yang dirahmati oleh Allah,

Dengan mengeluarkan zakat, Allah SWT akan memelihara harta pengeluarannya daripada mudharat, mengembangkan harta tersebut disamping memberi pahala yang besar. Selain itu, zakat juga penting dalam menangani kemiskinan dan pengangguran.

Anak- anak Asnaf misalnya yang dibiayai pendidikan mereka dengan wang zakat, apabila mereka menamatkan pengajian akan kembali menyumbang kepada umat. Begitu juga usahawan berjaya, hasil

daripada bantuan zakat, mereka akhirnya menjadi pemberi zakat. Sabda nabi SAW:

مَا نَقَصَتْ صَدَقَةٌ مِنْ مَالٍ

Maksudnya: "Zakat itu tidak mengurangi harta".(Riwayat Muslim)

Sidang Jemaah yang dirahmati Allah sekalian,

Zakat juga dapat membersihkan jiwa daripada sifat hasad dengki dan iri hati serta mengeratkan hubungan persaudaraan antara sesama Islam. Firman Allah SWT dalam surah At taubah ayat 103:

أَعُوذُ بِاللَّهِ مِنَ الشَّيْطَانِ الرَّجِيمِ
خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا وَصَلِّ عَلَيْهِمْ إِنَّ صَلَاتَكَ سَكَنٌ لَهُمْ
وَاللَّهُ سَمِيعٌ عَلِيمٌ ﴿١٠٣﴾

Maksudnya: "Ambillah (sebahagian) dari harta mereka menjadi sedekah (zakat), supaya dengannya engkau membersihkan mereka (dari dosa) dan menyucikan mereka (dari akhlak yang buruk)".

Pemberi zakat akan sentiasa rasa bersyukur atas nikmat rezeki yang diperoleh dan mengikis sifat mazmumah seperti kedekut dan bakhil. Firman Allah SWT menerusi surah Ibrahim ayat 7:

أَعُوذُ بِاللَّهِ مِنَ الشَّيْطَانِ الرَّجِيمِ
وَإِذْ تَأَذَّنَ رَبُّكُمْ لَئِنْ شَكَرْتُمْ لَأَزِيدَنَّكُمْ وَلَئِنْ كَفَرْتُمْ إِنَّ عَذَابِي لَشَدِيدٌ ﴿٧﴾

Maksudnya : “Dan (ingatlah) ketika Tuhan kamu memberitahu: Demi sesungguhnya! Jika kamu bersyukur nescaya Aku akan tambah nikmatKu kepada kamu, dan demi sesungguhnya, jika kamu kufur ingkar sesungguhnya azabKu amatlah keras.”

Oleh itu, dalam kita menikmati harta yang dikurniakan oleh Allah SWT, jangan lupa untuk menzahirkan rasa syukur kepada-Nya dengan melaksanakan kewajipan berzakat yang merupakan rukun Islam ketiga.

Sidang Jemaah yang dirahmati Allah SWT,

Zakat bukan sahaja mampu melahirkan mukmin professional, malahan juga pewaris teknokrat dalam kalangan umat Islam. Contohnya kisah kejayaan adik Ahmad Daniel bin Muhammad Said Udin, anak jati kelahiran Pulau Pinang yang mendapat tempat pertama dalam kejohanan akauntan dunia.

Sidang Hadirin yang dirahmati Allah SWT sekalian,

Mengakhiri khutbah pada kali ini, marilah kita bermuhasabah dengan rumusan khutbah seperti berikut:

Pertama: Bersegeralah menunaikan kewajipan berzakat sebagai tanda syukur kepada Allah SWT terhadap nikmat harta yang dikurniakannya.

Kedua: Janganlah bersikap bakhil dan kedekut untuk mengeluarkan zakat kerana ianya mengundang kemurkaan Allah SWT dan azab yang pedih di akhirat

Ketiga: Dengan berzakat, harta yang diperolehi akan menjadi semakin subur, membersihkan harta dan mensucikan jiwa.

أَعُوذُ بِاللَّهِ مِنَ الشَّيْطَانِ الرَّجِيمِ
وَأَقِمْوْا الصَّلَاةَ وَءَاتُوا الزَّكَاةَ وَارْكَعُوا مَعَ الرَّاكِعِينَ ﴿١٣﴾

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنْ آيَاتِ
وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ
قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ،
وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



Khutbah Kedua (Bulan November 2020)

الْحَمْدُ لِلَّهِ نَحْمَدُهُ وَنُسْتَعِينُهُ وَنُسْتَهْدِيهِ وَنَسْتَغْفِرُهُ، وَنَعُوذُ بِاللَّهِ مِنْ شُرُورِ
أَنْفُسِنَا وَمِنْ سَيِّئَاتِ أَعْمَالِنَا، مَنْ يَهْدِ اللَّهُ فَلَا مُضِلَّ لَهُ، وَمَنْ يَضِلَّ فَلَا
هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ
بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا أَيُّهَا الْإِخْوَةُ الْمُؤْمِنُونَ! اتَّقُوا اللَّهَ، أَوْصِيكُمْ وَآيَايَ بِتَقْوَى اللَّهِ
فَقَدْ فَازَ الْمُتَّقُونَ.

Sidang Jumaat yang dirahmati Allah,

Saya berpesan kepada tuan-tuan dan diri sendiri, supaya bertaqwa kepada Allah SWT dengan mematuhi segala perintah-Nya dan menjauhi segala larangan-Nya.

Pada saat yang penuh barakah ini, marilah kita lafazkan kalimah الْحَمْدُ لِلَّهِ. Kita panjatkan setinggi-tinggi kesyukuran atas segala nikmat-Nya termasuklah harta-benda yang dikurniakan Allah SWT.

Di samping itu, marilah kita memperbanyakkan selawat ke atas Nabi Muhammad ﷺ sebagai melaksanakan perintah Allah SWT dalam Surah al-Ahzab ayat 56:

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اَللّٰهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ. كَمَا صَلَّيْتَ وَسَلَّمْتَ وَبَارَكْتَ عَلَى سَيِّدِنَا اِبْرَاهِيْمَ وَعَلَى آلِ سَيِّدِنَا اِبْرَاهِيْمَ فِي الْعَالَمِيْنَ اِنَّكَ حَمِيْدٌ مَّجِيْدٌ.

اَللّٰهُمَّ اِنَّا نَسْأَلُكَ مِنْ خَيْرِ مَا سَأَلَكَ مِنْهُ نَبِيُّكَ مُحَمَّدٌ صَلَّى اللّٰهُ عَلَيْهِ وَسَلَّمَ ، وَنَعُوْذُ بِكَ مِنْ شَرِّ مَا اسْتَعَاذَ مِنْهُ نَبِيُّكَ مُحَمَّدٌ صَلَّى اللّٰهُ عَلَيْهِ وَسَلَّمَ، وَاَنْتَ الْمُسْتَعَانُ، وَعَلَيْكَ الْبَلَاغُ، وَلَا حَوْلَ وَلَا قُوَّةَ اِلَّا بِاللّٰهِ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيْعٌ قَرِيْبٌ مُّجِيْبُ الدَّعَوَاتِ، يَا قَاضِيَ الْحَاجَاتِ يَا رَبَّ الْعَالَمِيْنَ.

اَللّٰهُمَّ اٰمِنًا فِيْ اَوْطَانِنَا وَاَصْلِحْ اٰمَتَتَنَا وَوَلَاةَ اُمُوْرِنَا وَاَشْمَلِ اللّٰهُمَّ بِعِنَايَتِكَ
وَتَوْفِيْقِكَ عَلٰى مَلِكِنَا، كِبَاوَه دَوْلِيْ يَغْ مَهَا مَوْلِيَا سِرِيْ قَادُوْكَ بَاكِيْنْدَا يَغْ
دَقْرَتُوَان اَكُوْغْ ك-اَنَم بَلَسْ، اَلْسُلْطَانُ عَبْدُ اللّٰهِ رِعَايَةُ الدِّيْنِ اَلْمُصْطَفٰى بِاللّٰهِ
شَاهِ ابْنِ الْمَرْحُوْمِ سُلْطَانُ حَاجٍ اَحْمَدُ شَاهِ اَلْمُسْتَعِيْنِ بِاللّٰهِ، وَكَذٰلِكَ مَوْلَانَا
تُوَان يَغْ تَرَاوَتَامَا تُوْن دَاتُوْء سِرِيْ اُوْتَامَا دَكْتُوْر حَاجْ عَبْدُ الرَّحْمٰنِ بِنِ حَاجِ
عَبَاسْ، يَغْ دَقْرَتُوَا نَكْرِيْ قُوْلَاوْ قِيْنِغْ.

“Ya Allah, jadikanlah kami orang-orang yang mendirikan solat secara berjemaah serta menunaikan zakat dan wakaf tunai melalui agensi milik penuh Majlis Agama Islam Pulau Pinang (MAINPP) iaitu Zakat Pulau Pinang dan Wakaf Pulau Pinang (WPP).

Ya Allah, rahmatilah mereka yang sentiasa mengutamakan kebajikan sosial melalui instrumen zakat dan wakaf. Berkatilah hidup mereka yang sentiasa memudahkan kehidupan masyarakat.”

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللّٰهِ ! اِنَّ اللّٰهَ يَأْمُرُ بِالْعَدْلِ وَالْاِحْسَانِ وَاِيتَاءِ ذِي الْقُرْبٰى وَيَنْهٰى عَنِ
الْفَحْشَاۗءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُوْنَ. فَادْكُرُوْا اللّٰهَ الْعَظِيْمَ
يَذْكُرْكُمْ، وَاشْكُرُوْهُ عَلٰى نِعْمِهِ يَزِدْكُمْ، وَاسْأَلُوْهُ مِنْ فَضْلِهِ يُعْطِكُمْ، وَلَذِكْرُ
اللّٰهِ اَكْبَرُ. وَاللّٰهُ يَعْلَمُ مَا تَصْنَعُوْنَ.